

Zum fünfften/so kan vnd mag dieses Werck vnnnd Instrument mit Grund vnnnd Warheit auch ein Wegweiser genant werden/ dann da ein Keyß für gefallen/ kan man solche zuerrichten/ vnd ohne sonders fragen/ (sintemal fragen nicht allweg gut/ daß andere wissen/ was man vmbzieg vnnnd reyse) ein jedes fürgenommen Dorff/ Statt/ oder Flecken stetigs vor augen sehen/ vnnnd ohn einige frag ange troffen vnd gefunden werden/ vnnnd da einer schon von seiner geraden Linca vnnnd wahren Straß abwegs gereyßt / von wegen Wasser/ Gräben/ Berg vnnnd Thal / kan er sich hieben als bald erkündigen/ wie weit er von der rechten Straß abgewichen / vnd wie solche wiederumb anzutreffen ist.

Zum sechsten/ ist dieses herrlich Werck vnnnd Instrument sehr nutz vnnnd dienstlich in viel Weg zu Kriechläufften / denn man sich durch außgesandte Personen mag eygentlich erkündigen/ wie weit der Feindt dauon gelegen sey / ob man schon nicht aller ding dahin kommen kan oder mag. Item auch hier zu/ wie man geschwind vnnnd mit behendigkeit Schlachtordnung vnnnd Feldlager / nach Gelegenheit des Platz oder Orths / ordnen vnnnd schlagen soll / durch welches dem Feind ein grosser Vorthail kan abgetrungen werden. Vnd da ein Feldoberster solche Ordnung oder Lager vmbreit / kan er im werck vnd vor Augen finden vnd erschen/ wie die angestellte Schlachtordnung im grund beschaffen/ ob die gespitzt/ geuiert/ runder/ lang/ oder breyt/ vnnnd was sie für angehengte Ecken vnnnd Flügel hab. Item da eine Statt belägert/ also daß man die zubesichtigen sich nit darzu machē darff/ so kan man mit diesem Instrument von weitem solche mit ihren Ecken vnd Bollwercken/ wie sie außwendig im Grund beschaffen ist/ abreißen/ vnnnd in Grundt legen/ mit vorthail sich da oder da zu lagern/ das Geschütz zurichten/ vnd zu erkündigen/ wo das Lager anzugreifen sey.

Zum sibenden / ist auch diß herrliche Instrument sehr nutz vnnnd dienstlich zugebrauchen / da die Landt vnnnd Herrschafften mit eynander grängen/ vnd deswegen offimals grosse streitige sachen fürfallen